

cccxlvi

### Das dritte buch

gar nichts an den beuestungen sonst schleyffen / vnd do gegen den yhenigen so in der selben Franckreich gedient / verzygen / vnd sie außgesünt werden. Die statt Alleria so vor zarten in Corsica eins grossen namens ist gewesen / ligt jetzt gar nichter / vnd ist das Erzbisthumb von dannen verückt in die statt Bastetiam.

### Von der inseln Capraria.

**C**apraria ein andere insel 30. welscher meilen vō Corsica gelegen / ist klein vnd gang birgig / vnderthan dē Genuesern. Es wonen wenig wild leute darin / die bauwen den wein / der fast gute do wirt / besunder der rot. Es müssen die ynwoher sich enthalten auff ein hohe schloß / dz zwische den felsen ligt / von forcht wegen d' möre räuber. Año 1540. do belägeret Dragut Rays der Türck Capraria die statt in diser insel gelägen / erobert vnd plünderts / fürte bey 700. mensche darvon / sieng auch ein Genueser lastschiff. Als das Gianetin Doia vernommen / führe er auff Capocorso in Corsica / Dragut kam bey nahe auff ein meil darzū / hatt dz gefangen schiff auff Serben zūgeschickt / vñ leidet mit seinem volck in Corsica auß / raubet / führe auff Castella zū / von der insel 5. meil / beschos das / also ward er ertapper von Doia / vnd in bören geschmide / die Chrißte erlediget auff den 22. Junij / aber Dragut ward hernach ledig gelassen mit grossen schaden der Chrißtheit.

### Von der insel Iulia.

**I**ulia ein insel / die man sunst Elwam heisse / ligt nit fer von Italia / ist ganz fruchtbar. Sie bringet stabel vnd eyser. Etlich sprechen man finde auch gold vnd sylber darin. Sie hat kleine stettlin / dann sie ist drey mal grösser dan Capraria / vnd ist jezund vnder Keyser Carlers dem fünfften. Die Griechen haben sie geheissen Acalam etc. Año 1552. als der Barbarossa im abzug / kam ehr gehn Plumblin / begert der Herr doselbst Appianus / solt im Sine des Juden / vnd grossen Türckischen möre raubers sone so zū Tunis gefangen / do dienet / heraus geben / so wolt er also abziehen on schaden. Er empfieng nit gleich gute antwort / er schiffte auff Iulia zū / vnd bey Capo libero saß er auß in hafen Longo / in solcher eyle / das er dz volck alles ertappet / zoch gleich auff Vulturā / belägeret aber vergebens / do gab der Appianus den Knaben heraus / damit ließ er die inseln weiter vnbestümert. Also hat hernach Cosmas Medices / des sie jezund ist / die insel bey dem hafen Ferrario mit zweyen vestinen verwart / der eine der Stern / die ander der Falck geheissen.

Beschreibung